

四庫全書

經部

欽定四庫全書

詩緝卷二十六

宋 嚴粲 撰

思齊

音齋

文王所以為聖也

此詩五章皆言文王之所以為聖也孔氏以為文王所以得聖由其賢母所生止是首章之意耳

思齊大任

音泰壬。朱氏曰思語辭。今曰舊作思念之思然思齊思媚思文王與思皇同雅頌多

周公所作措辭同也。傳曰齊莊也。

文王之母思媚周姜

傳曰媚愛也周姜大姜也。朱

氏曰大京室之婦

傳曰京室王室也。○疏曰王季未為天子而言京者以其追號為王故以

京師言之。○京有考見文王

大如嗣徽音

傳曰大如文王之妃也。○箋曰徽美也。○歐陽氏曰

美聲也

則百斯男

傳曰大如十子衆妾則宜百子也。○朱氏曰百男舉成數而言其多也春秋傳

曰管蔡邲霍魯衛毛聃邲曹滕畢原豐邲文之昭也并伯邑考武王為十八人然此特其見於書傳者耳亦可以

見其多也。○疏曰定六年左傳大如之子唯周公康叔為相睦也大如為周公康叔之母是文王之妃也定四年左

傳祝鮀曰武王之母第八人是通武王與伯邑考為十子也其名則左傳文云周公為太宰康叔為司寇聃季

為司空通武王伯邑考為五人史記管蔡世家云武王同母兄弟十人母曰大如文王正妃也其長子曰伯邑

考次曰武王發次曰管叔鮮次曰周公旦次曰蔡叔度次曰曹叔振鐸次曰邲叔武次曰霍叔處次曰康叔封

次曰肅叔季載其次不必如此其十子之名當然也皇
甫謚云文王取大如生伯邑考武王發次管叔鮮次蔡
叔度次邠叔武次霍叔處次周公旦次曹叔振鐸次康
叔封次肅叔季載其名與史記皆同其次則異不知謚
何所據而別於馬遷也左傳富辰之言曹在衛肅之下
不以長幼為次則其第無明文以正之鮑音肅肅音貧
他甘反

謚音密

此詩餘章皆美文王之聖首章專美大任為文王張
本也此齊莊之大任乃文王之母謂文王生於大任
而大任有敬德其氣稟有自來矣大任上能致孝於
姑媚愛太姜為周京之婦謂盡婦道也下能示法於

婦使大如繼其美聲不如忌而子孫衆多謂由大任之賢故大如視倣之而不妬忌也言大如嗣大任之徽音主大任言之耳

惠于宗公

箋曰忠順也。傳曰宗公宗神也。疏曰宗公是宗廟先公書序云班宗彛中庸云陳其

宗器皆謂宗廟為宗。張氏曰未追王故稱公。

神罔時怨

箋曰時是也。

神罔時恫

音通

。傳曰恫痛也。

刑于寡妻

傳曰刑法也。寡妻適妻也。適音的。疏曰適妻唯一故言寡也。蘇氏曰

寡妻猶言

至于兄弟以御于家邦

御鄭如字毛音況。箋曰御治也。陳氏

寡小君也。

曰御取其調適也。今曰書御衆以寬南軒孟子解云御臨也。朱氏曰家齊而後國治

次章言文王以昭事神明之德推之齊家治國也文王順守宗廟先公而鬼神歆之無有怨恚而不滿者無有痛傷而降禍者隱微之間一毫無愧故能施儀法於適妻推而至於兄弟言族親亦化之也寡妻兄弟即是家推之以治于家邦言由家以及國同此一理之推也孟子所謂言舉斯心加諸彼而已。說者見詩有大姒及寡妻之語多以為文王內有賢妃之助以成其德文王內有賢助固也此詩所言文王之

德皆聖人極致之事豈必由內助而後聖哉刑于寡

妻美文王能儀刑之非美寡妻也關雎美后妃之德

所以見文王之德亦此意也

詩記曰毫髮不愧於隱微然後近者孚故神罔

時怨神罔時惘始

可以刑于寡妻

雝雝在宮

雝音邕。傳曰雝雝和也

肅肅在廟

傳曰肅肅敬也

不顯亦臨

朱氏

曰不顯幽隱之處

無射亦保

射音亦。傳曰無射無厭也。今曰如孔子云學不厭如董仲舒云

復而不厭之謂道言安行之久也。歐陽氏曰保守也

三章言純亦不已也文王之誠一也平居在宮中則

見其雖雖然和有事在宗廟則見其肅肅然敬隨所
寓而形見也不顯之處人所不見而亦若有所臨洋
洋乎如在其上也無厭之時踐履已熟而亦自保守
悠久無疆也

肆戎疾不殄

肆解見緜。傳曰戎大也。疾害也。殄絕也。○詩記曰戎疾大患難也。姜里之囚是也。

昆夷獫狁之難則其餘也

烈假不瑕

假毛如字。鄭作厲。○歐陽氏曰烈光也。假大也。○陳氏曰瑕玷

也

不聞亦式

歐陽氏曰式法也

不諫亦入

四章言從容中道也。文王有聖德故遇大患難而不

能殄絕其德處光大而不見其瑕玷逆順一致無入不自得也事之無所前聞者舉必中法又不待教諫而自入於善不勉而中不思而得也傳以為性與天合是也

肆成人有德

朱氏曰冠以上為成人

小子有造

朱氏曰小子童子也。傳曰造為也。

○今日王制云順先王詩書禮樂以造士謂造成之也

古之人無斁

音亦。○李氏曰古之聖人

指文王也。○傳曰斁厭也。

譽髦斯士

釋文曰髦俊也。

五章言至誠為能化也文王之時長成之人則皆有

成德幼稚之子則皆有所造為以習其業所以然者
由古之人文王其德純亦不已無有厭斁故能譽髦
此士謂能作成人材使人有名譽而成俊乂之美也

詩記曰聖人流澤萬世者莫大於作人所以續天地
生生之大德也故此詩以是終焉文王之無斁孔子
之誨人不倦其心一也典謨作於虞夏其稱堯舜禹
皋陶已曰若稽古則此詩追述文王以為古之人復
何疑哉

思齊五章二章章六句三章章四句

從故
言也

皇矣美周也天監代殷莫若周周世世脩德莫若文王

疏曰湯以孤聖特興禹則父無令問文王之德不劣禹湯而以承藉父祖始當天意者欲見尊祖之心也

皇矣上帝

傳曰皇大也

臨下有赫

程子曰赫威明也

監觀四方求民

之莫

傳曰莫定也

維此二國

傳曰二國夏殷也

其政不獲維彼四國

傳曰四國四方也

爰究爰度

音鐸○程子曰究尋究也度謀度也

上帝耆之

耆音其○

耆曰耆老也○歐陽氏曰遲久也言天意遲久之謹其所擇○今曰今稱師老亦久之意憎其式廓

苦霍反○傳曰式用廓大也

乃眷西顧此維與宅

傳曰宅居也○朱氏曰此謂岐周之

地也天以岐周與大王為居宅也

首章原天初眷大王之意也大哉上天其照臨於下

赫然甚威明也其監視觀察於四方維求民之所定耳本非有私於周也維此夏商二國皆失道而不得其政天既絕之乃於彼四方之國謀究之計度之欲求民主久而未得其人上天遲久之徘徊詳審憎其用大而為虐者乃眷然迴首西顧於周而以此岐周之地與大王居之也以下章言作之舜之知云此者指岐周也。眷本又作睠大東云睠言顧之小明云睠睠懷顧傳云睠反顧也反顧者迴首以顧之大東

刺亂而思周道小明悔仕而思其人皆以廻顧言之
此言天廻其首以西視背商而向周也

作之屏之

屏音丙。疏曰作攻作之也。朱氏曰拔起也。釋文曰屏除也。

其菑其翳

菑音恣翳音意。傳曰立死曰菑自斃曰翳。疏曰立死之木妨他木生長為木之害故曰菑也。生木自倒枝葉覆地為陰翳。朱氏曰脩之平之。疏曰殺木之處有或云小木蒙密蔽翳者也。

脩之平之

疏曰殺木之處有其坑坎須脩理平

治之其灌其柵

灌音貫柵音例又音列。傳曰灌叢生也。程子曰行生曰柵。今曰釋木有柵柵

郭璞云柵樹似柵檍而庫小字如細栗今江東呼為柵栗今不從柵音而柵檍音斛連庫音婢短也。

啟之

辟之

辟音闕。疏曰啟柵之謂開柵使廣。

其櫪其梧

櫪音稱梧音祛韻又音居。傳

曰欒河柳也。梧櫛也。櫛音質。○疏曰：某氏云：欒河傍赤莖小楊也。孫炎云：櫛腫節，可以作杖。○陸機曰：欒生水傍，皮正赤，枝葉似松，櫛節中腫，以扶老。○**欒之別之**。樓音即今。靈壽是也。今人以爲馬鞭及杖。樓別。

音暢。○程子曰：欒，別謂穿。

其繁其柘

樓音柘，柘音蔗。○傳曰：繁，小桑也。○

別去其繁冗，使成長也。

疏曰：繁，桑柘屬材中爲弓考工記曰：弓人取幹柘爲上。

繁桑次之。○今曰：禹貢青州厥篚繁絲，注云：繁，桑蠶絲。

中琴。

帝遷明德，串夷載路。

串音慣。○傳曰：串，習也。○程子曰：夷，平也。○錢氏曰：載，語

助也。○今曰：串夷，載路，即周頌所謂岐有夷之行，謂民

歸之者衆，串習其平夷而成大路也。孟子用之而成路。

朱氏解云：路，大路也。箋

天立厥配，受命既固。

以串夷，即混夷，今不從。

次章述大王遷岐也。岐地險阻，尤多林木，民歸之者。

衆乃競刊除以立室家以治田畝曰其者皆指其地而言之作拔之屏除之者是其苗木與翳木之地也脩理之平治之者是其灌木與柵木之地也謂去其木而脩治其地之坑坎也啟拓之開闢之者是其檉柳與梣櫚之地也謂去其木而開廣其地也又相與整葺其桑事攘除剪剔以去其繁冗者是其繁桑與柘木之地也作屏脩平啟辟則皆除去其木攘剔則成長其木也桑柘之性以芟剔而後茂非除之也大

王之遷岐非人之所能為也蓋天遷其明德於此故
民歸往之岐周本山林險阻之地自作屏脩平啟辟
之後乃始平夷民之歸者串習其平夷遂成大路猶
孟子所謂山徑之蹊用之而成路也天非徙遷之也
王者配天天將立之以為配使周家王天下其受命
堅固不易也蓋曰大王之時天命已定周之當王也
久矣○鄭以此章為文王諸家多以為大王此言芟
除草木是初建國當是大王遷岐之始所謂天作高

山大王荒之也岐山在右扶風美陽縣西京賦所謂

隅闕華戎岐梁汧雍

闕音礙
汧音牽

見秦地之險阻故多林

木須刳除之

帝省其山

省星之上○歐陽氏曰省視也

柞棫斯拔

音旆○解見繇

松柏斯兗

王氏曰兗悅

帝作邦作對

箋曰作邦謂興周國也作對謂為生明君也○疏曰作邦

謂使之為天子之邦○傳曰對配也○丘氏曰天以聖君為已配謂文王也

自大伯王季

大音

泰維此王季因心則友

傳曰善兄弟曰友○李氏曰孝悌之道豈可以偽為哉因其心

而然耳生而無不知愛其親長而無不知敬其兄本於良知良能豈非因心而然哉○王氏曰以大伯避季則

季疑於弗友故特先言其友也

則友其兄

朱氏曰兄謂大伯

則篤其慶

箋曰篤厚也

載錫之光

程子曰載辭也錫予也○朱氏曰猶曰彰其知人之明不為徒讓耳

受祿無喪

去聲○今曰喪失也

奄有四方

傳曰奄大也○釋文曰覆也○今曰書奄有四海註云同也

三章述大伯王季相遜之事為文王張本也為室家

田畝之地則刊除其木至山林之地則貴於茂盛天

省視岐山之地柞械拔而遂茂松柏允而悅澤則氣

象慈鬱而都邑成矣天作邦於此謂興周使為王國

也作對於此謂生文王以配天也孟子云文王生於

岐周是也此作邦作對由於大王王季之時蓋大伯
遜於王季而後文王起也因說王季之德甚大性友
愛因其心之自然非彊為也則友愛於大伯既受其
遜益脩其德以篤厚周家之慶予大伯以讓國之光
王季受天祿而不失其後人遂奄有四方則大伯之
讓為有光矣

維此王季帝度其心

度音鐸。今曰他人有心予忖度之之度

猶其德音

音

陌。傳曰猶靜也。曹氏曰德音名譽也。今考猶陌從伯栢拍迫從白。德音解見假樂

其德克明

克明克類

今日類倫類也猶記言知類通達易言觸類而長之謂通於一而萬事畢也

克長

克君

長上聲

王比大邦

王如字徐去聲○箋曰王君也王季稱王者追王也

克順克

比

音備○丘氏曰比親也○今曰如比卦之比下順從也

比于文王

比音同上舊如字○今曰

比及也比及三年之比

其德靡悔

釋文曰悔恨也○今日悔自恨也如行寡悔也悔疏謂無為人

所悔恨非也

既受帝祉

音耻○箋曰祉福也

施于孫子

施音異○箋曰施延也

四章述王季之德以及文王也天初省視岐周之山

眷命已定今又監度王季之心謂王季比心之微與

天通也天監知王季之心能以靜養其令名非有心

於干譽者王季雖無心於干譽然其德明而類長而君順而比自不可掩明類是一意長君是一意順比是一意類者明之充君者長之推比者順之積也克明謂知此理克類謂觸類而通一理混融徹上徹下也言明又言類猶既醉言昭明有融融者明之盛即所謂克類也克長謂能為人之長克君謂能為人之君君又尊於長矣學記言能為長然後能為君是也以之君臨大邦則克順而能和其民克比而能親其

民順言不擾比則驩然相愛矣比及文王其德無有
可悔人有過則悔恨靡悔則無過從容中道無毫髮
之嫌也言王季之德傳於文王而益盛也故能受天

之福也延于子孫

李氏曰左傳昭二十八年成鱣曰心能制義曰度德正應和曰莫照

臨四方曰明勤施無私曰類教誨不倦曰長賞慶刑威曰君慈和徧服曰順擇善而從之曰比經緯天地曰文皆斷章取義鄭氏因以說經非也鱣音專莫音陌施始豉反

帝謂文王

今日天不言以意謂之也

無然畔援

去聲又平聲○傳曰無然無是也○長樂

劉氏曰畔安於疆畔而違乎中者也○程子曰援攀援黨比也

無然歆羨

歆許金反羨涎之去○傳

曰歆貪也。疏曰鬼神食氣謂之歆。○程子曰歆欲之動也。羨愛羨也。

誕先登于岸

誕音但。

朱氏生民解曰誕發語辭。王氏曰經以涉川譬濟難。

案人不恭

疏曰定四年左傳云密須之鼓

是也。○詩記曰漢地理志安定郡伐密注云詩密人國即今寧州也。

敢距大邦

傳曰距逆也。

侵

阮徂其

音恭。箋曰阮國也。傳曰密須氏侵阮遂往侵其。張氏曰共阮國之地名阮共皆在今涇

州今有共池即共也。

王赫斯怒

傳曰赫怒意。

爰整其旅

傳曰旅師也。

以按徂

旅

按音案。傳曰按止也。朱氏曰上旅周師也。下旅密人也。

以篤于周祜

音戶。箋曰祜

福也。以對于天下

箋曰對答也。

五章六章皆述伐密之事此章首言文王之心至公

無私在於救民為下文伐密張本也密人侵阮於周
若無預文王乃奮怒而伐密疑於黨阮有所為而為
之者故詩人設為帝謂之辭以發明文王之心畔者
徧也援者黨也歆者得而貪之羨者不得而慕之四
者皆私心也帝謂文王無是四者所急先者惟拯民
之溺耳登岸謂出於危難之地也必託之帝謂者言
文王此心天實知之也密人敢為不恭逆距大國謂
不懼方伯之討也以疆陵弱興兵侵阮遂往侵阮之

共邑文王以阮民受害赫然而怒整齊其師旅以按止密人往共之師蓋密自阮以侵共其勢漸熾文王自阮以侵密密還自救是按止其往共之師也凡此乃救亂安民以厚我周家之福以答天下望周之心也周能安民則福祚益隆商政不綱天下之望在周矣所救者一阮而為亂者懼小國皆安故天下之心以慰也。說者多謂畔援歆羨是人欲岸是天理其說美矣與下文伐密不相協尋繹經意止為伐密張

本與七章言順帝之則為伐崇張本文意正同且言
對答天下之望則登岸為濟難無疑也以濟川喻濟
難古人常語曰民墜塗炭曰若涉淵水曰若游大川
曰拯民於水火之中是也

依其在京

程子曰依憑也。箋曰京周地名。○京有考見文王。○呂氏曰用兵必有根本之地。文王

駐兵於國都以為三軍之鎮

侵自阮疆

張氏曰却自阮疆而去伐密也。○今日侵自阮疆謂自阮

疆而侵密猶春秋書公至自晉謂自晉而至魯也

陟我高岡

箋曰陟登也

無矢我陵

傳曰矢陳也。○釋地曰大陸曰阜大阜曰陵。○李巡曰土地獨高大為阜阜最大為陵

我陵我阿

釋地曰大陵曰阿

無飲我泉

今曰泉水有源也

我泉我池

王氏曰池水所聚也

度

其鮮原

度音鐸鮮上聲又音仙○箋曰度謀也鮮原善原也○釋山曰小山別大山鮮○孫炎曰別不

相連也

居岐之陽在渭之將

傳曰將側也○箋曰後竟徙都於豐○疏曰大王初遷已

在岐山北亦在岐山之陽是去雋都不遠也周書稱文

王在程作程寤程典皇甫謐云文王徙宅於程蓋謂此

也箋嫌此即是豐故云後竟徙都於豐知此非豐者以

此居岐之陽豐則岐之東南三百里耳○呂氏曰前漢

地理志曰扶風安陵縣闕駟以為本周之

程邑也○朱氏曰今在京兆府咸陽縣

萬邦之方

傳曰

方則也

下民之王

文王以西伯討密之罪先駐兵國都依憑此在京之

師以為聲勢然後出兵自阮疆以侵密密在寧州阮
在涇州涇寧接境也下所言高岡陵阿泉池皆師行
所經阮疆之地軍行右背山陵必依山而止故升其
高岡我者對爾之辭文王為阮伐密密故問罪於密密
阮疆之地皆以為我言我所陟者是我之高岡爾密
人無得陳兵於我陵此我之陵我之阿也無得飲我
之泉此我之泉我之池也罪其前之侵軼而戒其後
之無復然也密人恃疆以侵弱文王興問罪之師視

阮之地如己之地可謂公天下以為心矣豈有一毫
畔援歆羨之私邪阮不幸而與密為隣幸而遇文王
為伯也文王用心廣大威德暢洽人之歸者益眾非
舊邑所能容於是就周境之內謀度鮮善之平原而
徙都之乃在岐山之南渭水之側謂程邑也此萬邦
之所法則下民之所歸往也文王雖未為君師天下
己心歸之矣伐崇有訊馘伐肆之事而伐密止述問
罪之辭是師次其境而密人即服不待戰也○舊說

謂所侵密地即為我之陵泉則是貪其土地矣或又

謂戒軍以無擾師行而布陣飲泉遽為擾乎

帝謂文王予懷明德

朱氏曰懷眷念也

不大聲以色

李氏曰未嘗大聲音

於顏色之間也

不長夏以革

長上聲。箋曰夏諸夏也。傳曰革更也。李氏曰未嘗長諸夏以

變革之道也

不識不知順帝之則帝謂文王詢爾仇方

箋曰詢謀

也怨耦曰仇。丘氏曰仇方即崇也。朱氏曰隰方仇國也

同爾兄弟

朱氏曰兄以弟與國也

爾鈞援

鈞音溝又去聲援音袁。傳曰鈞梯也所以鈞引上城者。疏曰鈞援一物以梯倚城相鈞引

而上援即引也

與爾臨衝

傳曰臨臨車也衝衝車也。疏曰臨者在臨下之名衝者在傍衝突之

稱兵書有臨以伐崇墉音容。箋曰崇侯虎倡紂為無道。朱氏曰按史記崇侯虎諧

車衛車之法西伯於紂紂因西伯於羗里紂赦西伯賜之弓矢鉞鉞得專征伐西伯歸三年伐崇侯虎而作豐邑崇國名在

今京兆府鄠縣鄠音戶。傳曰墉城也

七章八章述伐崇之事此章首言文王之心純乎天理非有私喜怒為下文伐崇張本也崇侯虎譖文王於紂遂有羗里之囚是崇者文王之所仇也崇侯譖文王而文王伐之疑於報私仇者然虎倡紂為不道乃天人所共怒文王奉天討罪何容心哉故此章亦

設為帝謂之辭以發明文王之心帝謂文王子眷懷
爾之明德不以容色而大其聲謂飾貌以廣其名也
不以變革而長諸夏謂變常以廣其土也文王無心
於大其聲況以色而大其聲乎無心於長諸夏況以革
而長夏乎不識不知不作聰明也此明德之實所謂
文王有四不孔子有四毋也天理之自然謂之則即
有物有則乃見天則謂理之不可踰也文王無一毫
人偽之私油然而大順安行乎天理之自然所謂順者

由仁義行非行仁義也文王之伐崇也若天寶親命之使之謀爾仇讎之方同爾兄弟之國以爾上城之梯及臨衝之車伐此崇人之城由北心純乎天理故喜怒皆與天合所仇者非私怨所同者非苟合也

臨衝閑閑

今日閑閑者未用也

崇墉言言

傳曰言言高大也

執訊連連

訊音

信○箋曰執所生得者而言

攸馘安安

馘音國。傳曰馘獲也不服者

問之○曹氏曰連連連續也

殺而獻其左耳曰馘○疏曰玉藻云聽響任左故不服者殺而獻其左耳罪其不聽命服罪故取其耳以計功

也○程子曰安

是類是禡

音罵。傳曰於內曰類於野曰禡祭也。疏曰王制云天

安不輕暴也

子禡於所征之地春官肆師注云類禮依郊祀而為之禡祭造軍法者其神益蚩尤或曰黃帝是致是

附

王氏曰致致其至也附使之內附也

四方以無侮臨衝第弟

音弗。傳曰第弟強

盛也 崇墉仡仡

音屹韓詩云仡仡搖也。疏曰將壞之貌

是伐是肆

錢氏曰伐刺擊也。○

箋曰肆犯突也。○疏曰文十二年左傳云若使輕者肆焉其可輕去聲

是絕是忽

傳云忽滅也

四方以無拂

音拂。朱氏曰拂戾也

文王之問罪於崇其始未忍攻城也故臨衝之車閑

閑而不用崇墉言言然高大恃險而不服文王始薄

伐之而未盡用其威執其可問訊者連連而不絕所

殺獲而截其左耳者安安而不暴出兵之初既類祭上帝及至所征之地又為禡祭暴白其罪告之神明致以招其來附以納其降從容整暇如此四方聞之己不敢侮矣然而人之頑猶未服也於是臨衝茀茀然而彊盛用力以攻之崇墉仡仡然將壞而危矣伐以擊刺之肆以犯突之絕之使救援不通忽之則滅其國克一崇而四方無敢拂戾以伐當其罪也

疏曰
僖十

九年左傳云文王聞崇亂而伐之因壘而降則似兵合不戰此云壞城執訊者凡所褒美多過其實此言

訊賊必當戰矣。蓋知戰不敵，然後乃降。彼左傳子魚欲勸宋公脩德，故隱其戰事而言其降耳。○朱氏曰：始攻之，緩戰之，徐也；非力不足也；非示之弱也。將以致附而全之也；及其終不下而肆之也，則天誅之，可以留而罪人不可以不得故也。

皇矣八章章十二句

靈臺

箋曰：天子有靈臺者，所以觀禋象、察氣之妖祥也。侵音浸。○疏曰：此靈臺在豐邑之都，所處在國之

西郊。大雅靈臺一篇之詩，有靈臺有靈囿，有靈沼，有辟廱，皆同處在郊矣。○李氏曰：孟子曰：謂其臺曰靈臺，非

文王自名之也。

民始附也。文王受命而民樂其有靈德，以及鳥

獸，昆蟲，馬。

疏曰：王制注云：昆明也。明蟲者，得陽而生，得陰而藏。魚亦蟲之別名。○黃氏曰：民樂文王

之靈德而亦樂其
鳥獸昆蟲之類也

民附文王久矣序言因靈臺之役而始見其歸附因
詩起義耳人心所歸即是天命言文王受命謂天命
歸文王耳文王未嘗當而受之也孟子云文王以民
力為臺為沼而民歡樂之樂其有麋鹿魚鼈是也及
者所謂愛其人及屋上之鳥也

詩記曰前二章樂文
王有臺池鳥獸之樂

也後二章樂文王有鐘鼓
之樂也皆民樂之辭也

經始靈臺

今日經度而始為之言初建也。蘇氏曰靈
善也。傳曰四方而高曰臺。疏曰左傳注

云天子曰靈臺諸侯曰觀臺僖十五年左傳云秦伯獲
晉侯以歸乃舍諸靈臺杜預云在京兆鄠縣周之故臺
也哀二十五年左傳云衛侯為靈臺於籍圃
則是新造其時僭名之也觀去聲鄠音戶
經之營之

今日朱氏孟子解云經量度也
營謀為也經營皆圖度之意
庶民攻之傳曰攻作也不日

成之今日不日不多日也經始勿亟音株。箋曰亟急也庶民子

來

首章述作臺之初文王之經度始為靈臺也經度之
營謀之方見其圖度而庶民協力攻作之不多日而
已成矣纔謀即成何其速也蓋文王經營之始雖不

欲亟而其民如子趨父事盡心竭力故其成日自速

非疆之也

詩記曰文王之作臺主於望氛視觀民俗以察天人之意因以疏淪精神宣節勞逸

蓋一弛一張

無非事也

王在靈囿

音又。補傳曰凡詩謂文王為王者皆非作於文王之時。傳曰囿所以域養禽獸也。

疏曰於臺下為囿沼春秋築鹿囿則

圓者築牆為界域而禽獸在其中

鹿鹿攸伏

鹿音憂釋獸

曰鹿壯麋牝鹿麋音加。王

氏曰攸伏則尊乳得其時

鹿鹿濯濯

疏曰濯濯肥澤貌

白鳥

鷖鷖

音學。朱氏曰鷖鷖潔白貌

王在靈沼

傳曰沼池也

於物魚躍

於如字物

音切。傳

曰物滿也

次章言既作臺而遊焉臺下有囿有沼文王遊於靈
囿則牝鹿乳其子伏而不動又濯濯然肥澤其白鳥
翯翯然潔白文王遊於靈沼則其沼中之魚充滿而
皆跳躍凡誇言其鳥獸魚鱉之美者皆民歡樂之之
辭也○車馬羽旄一也有見之而欣欣喜色者有見
之而疾首蹙額者由人心之樂不樂也文王之鳥獸
魚鱉何以異於人哉特民心樂之耳孟子最善說詩
只民樂其有麋鹿魚鱉一語道盡詩意毛氏以為靈

道行於國沼今鹿養之久則自馴白鳥未有不潔魚
未有不躍者豈皆靈道之行乎後之說詩者推廣毛
意其辭意美而去詩意愈遠矣

虞業維樅

虞音巨樅七凶反。傳曰植者曰虞橫者曰
柎業大板也樅崇牙也柎音筍。疏曰懸鐘

磬者兩端有植木其上有橫木謂直立者為虞謂橫牽
者為柎柎上加之大板為之飾謂之業刻板捷業如鋸
齒也其懸鐘磬之處又以彩色為大牙其狀
隆然謂之崇牙樅即崇牙之貌樅樅然也

貢鼓維鏞

貢音焚字亦作竅鏞音容。傳曰貢大鼓也鏞大鐘也
○疏曰貢大也故謂大鼓為貢鼓冬官韞人云鼓長八
尺鼓四尺中圍加三之一
一謂之竅鼓韞音運

於論鼓鐘

於音烏論平聲鄭音
倫。箋曰論之言倫

也。今日書無相奪倫記論倫無患於樂辟靡

音辟容。傳曰水旋丘如壁曰辟靡以節觀者。疏

曰辟靡即天子大學也此在辟靡合樂必行養老之禮

三章四章皆述辟靡作樂之事也三靈及辟靡皆同處文王既遊囿沼遂於辟靡作樂而民歡樂之言作樂之時設植者之虞其橫柶之上加大板以為業其業之上又以彩色為崇牙其狀縱縱然也此虞業之上則懸賁之大鼓鏞之大鐘使人擊之遂歎美其有倫理者此鐘鼓之聲也又歎美其可樂者此辟靡之

學也文王之始作靈臺民樂成之其遊於園沼也又樂其有鳥獸魚鼈其作樂於辟廱也又樂其鐘鼓之音所謂聞王鼓樂於此欣欣然有喜色也言之不能盡而嗟歎之不能已則民之愛戴者深矣

詩記曰或疑靈臺之

詩叙臺池苑囿與民同樂胡為以辟廱學校勸入之彼蓋未嘗深考三代人君與士大夫甚親遊宴之暫御征行之扈衛無所往而不與髦俊俱焉樂正司業父師司成則學者固學士之所常隸也夫豈有二事哉

於論鼓鐘於樂辟廱鼉鼓逢逢

鼉音駝逢音蓬。傳曰鼉魚。鱗。陸璣曰鼉形

似蜥蜴四足長丈餘甲如鎧甲皮堅厚宜冒鼓。今曰月令季夏命漁師取鼃上林賦樹靈鼃之鼓各注云鼃皮為鼓。○釋文曰逢逢。○蒙瞍奏公。○蒙瞍音蒙叟。○疏曰鼓聲也。○傳曰和也。○有眸子而無見曰蒙。○無眸子曰瞍。○箋曰凡聲使替蒙為之。○傳曰公事也。

申言鐘鼓辟靡之樂詠歎不能已又言以鼃皮為鼓其聲逢逢然而和乃蒙瞍方奏其事樂之更端曰奏故九成謂之九奏言方奏其事樂之不厭之辭也

靈臺四章二章章六句二章章四句

舊五章章四句今從

朱氏

下武繼文也武王有聖德復受天命能昭先人之功焉
武王之雅二篇下武言繼文繼三后之文德也文王
有聲言繼伐繼文王之伐功也

下武維周

今日下武以武為下

世有哲王三后在天

傳曰三后大王王季文王

也○朱氏曰既沒而其神在天也

王配于京

傳曰王武王也○等

○李氏曰書茲殷多先哲王在天曰京鎬京也○陳氏曰在鎬京者足以配在天者

人知武王以武定天下而不知武王之心上文而不
上武用武非其得已也此詩為繼文而作首章欲發

明武王之心先總說一代之意嚮言以武為下者周之家法也周家世世有哲王三后既往而其神在天矣武王又配合其德于鎬京焉其在京者可以配在天者先後相傳其德一也曷嘗以武為上哉。舊說下武為後世有武功然有聲為繼伐之詩故言伐崇之事此詩為繼文之詩篇終皆言文德略不及武事若首章第一句獨言武功尋繹文義全無歸著非詩意矣書言武王不敢替厥義德率惟謀從容德謂義

德乃不得已而容德是其所尚即此詩之意也

王配于京世德作求

蘇氏曰作起也。○今日康誥我時其惟殷先哲王德用康又民作求

永言配命

解見文王

成王之孚

箋曰孚信也

武王所以能配三后于京者以其於先世之德能起而求之善繼述也所求者先世之德故能長配天地有天下而傳無窮遂成王者之信也三后之德孚于民久矣至武王有天下然後其信成焉王者之事業莫大於信信則天下心服而王也後世以詐力取天

下益有僅成王業者而不能成王孚故世祚不長不足
以永配天命也

成王之孚下民之式

傳曰式法也

永言孝思孝思維則

傳曰則則

其先人也○箋曰子孫以順祖考為孝

武王成王孚而為法於天下者以其永有孝思也其
孝心所思唯法則前人也王者之孝莫大于法前人
中庸云武王周公其達孝矣乎夫孝者善繼人之志
善述人之事者也

媚茲一人

箋曰媚愛也一人武王也

應侯順德

傳曰侯維也○李氏曰順德者孝也

永

言孝思昭哉嗣服

箋曰服事也

天下媚愛於武王而應之以順德謂天下化之也孝者德之順故又言武王永有孝思昭昭然能嗣其先世之事也序所謂能昭先人之功也

昭茲來許

來毛如字鄭音賚陳氏曰許語助也

繩其祖武

蘇氏曰繩約也○今曰以

為準繩而取正焉○傳曰武迹也

於萬斯年

於如字

受天之祜

承上章昭哉嗣服而言武王繼述之業所以昭昭乎

顯著有自来矣由是緇約其先祖之跡宜其萬年受天之福也

受天之祜四方來賀

疏曰四方謂中國諸侯也。朱氏曰賀朝賀也。

於斯萬年

不遐有佐

武王受天之福祜故四方諸侯之國皆來朝賀雖至于萬年不以爲久遠而常佐周皆世世藩屏王室也

下武六章章四句

文王有聲繼伐也武王能廣文王之聲卒其伐功也

繼文之詩兼言三后以三后皆有文德可繼不專指
文王也繼伐之詩專言文王以大王王季無伐功所
謂繼伐者專言繼文王也周至文王始有伐功伐崇
益其大者然而大統未集至武王伐商而後卒其功
也

文王有聲

箋曰聲今聞也

適駿有聲

適駿音律峻○箋曰適述也所述者謂大王王季也

駿大也

適求厥寧適觀厥成

觀李氏如字蕩去聲○今曰觀視也如視乃烈祖視已成

視事之

文王烝哉

傳曰烝君也○呂氏曰衆也得衆為君也

首章言文王之繼述也文王所以有聲聞者能通述
駿大大王王季所有之聲也述之而求其寧則惟欲
持守而不變此豈有意於伐功以求加乎前人者文
王君哉頌其得人君之道也

文王受命有此武功既伐于崇

疏曰別言崇者以其功最大其伐最後作

邑于豐

說文云鄠周文王所都○朱氏曰鄠即崇國之地在京兆鄠縣杜陵西南鄠音戶

文王

猷哉

次章述伐崇而作豐也文王惟欲述大大王王季之事

非有心於伐功也然受天命以討罪不容自己故有
此征伐之功最後伐崇威德益著國勢浸盛程邑又
不足以容乃作邑于豐以居之文王誠得人君之道
也張子曰大王邑于岐山之下既基王迹矣文王又
遷于豐武王又遷于鎬者當是時民歸之者日衆
無地以容之
必至于遷也

築城伊瀆

音洳字亦作洳韻音域○傳曰瀆成溝也○
箋曰方十里曰成瀆其溝也廣深各八尺

作豐伊匹

陳氏曰
匹稱也

匪棘其欲

箋曰棘
急也

適追來孝

曹氏曰
來者嗣

續之意

王后烝哉

三章明作豐之心也。文王之作豐邑也，掘隍土以築城，因而為池，僅如成間之減耳。池非深也，其作豐邑之制度，唯其稱而已。謂稱上公之制，已所宜為，不務侈大也。初非急於從己之欲，以廣都邑，乃述追先人之事，而致其方來之孝，唯欲不墜先業耳。尊稱文王為王后，誠得人君之道也。

王公伊濯

箋曰：公事也。詩記曰：濯如滌，言明白而不昧。

維豐之垣

音袁。垣，曰垣牆也。

○釋文曰：卑曰垣。

四方攸同，王后維翰。

傳曰：翰，幹也。○疏曰：築牆所立之木。○解見維

周之
桡
王后烝哉

四章述作豐人而歸之也文王行事濯乎明白其築
豐之城僅如垣牆耳城非高也然四方同心歸之皆
以文王為桡翰城僅如牆而文王則如築牆所立之
木喻不在險而在德故言文王誠得人君之道也池
如澮城如垣不為高城深池也文王已得人心故武
王因之以伐商也

豐水東注

箋曰堯時豐水汎濫禹治之使入渭東注于
河豐邑在豐水之西鎬京在豐水之東○疏

曰帝王世紀云豐鎬皆在長安之西南。後漢郡國志注豐鎬相去二十五里。今曰禹貢東會于澧注云澧水自南而合蓋澧水自南而北流入渭故豐在其西鎬在其東經言東注者是會渭之後乃東注入河也維

禹之績

箋曰績功也

四方攸同皇王維辟

音壁。傳曰皇大也。箋曰變王后

言皇王者武王之事又益大辟君也。皇王烝哉朱氏曰皇王者有天下之號指武王也

五章以武王之功配禹也豐鎬在豐水之東西二都

皆可言豐水此章皇王稱武王則豐水東注指鎬京所見而言也言豐水之所以會渭而東注于河者是禹之功也武王作邑于豐水之東而四方之所以同

歸周者以武王為天下之君也蓋以武王之功配禹
皆除害濟民也武王誠得人君之道也變王后言皇
玉一統天下其事又大也繼伐之詩而言人心歸往
者見一戎衣而天下定也

鎬京辟廱

鎬胡老反。傳曰武王作邑於鎬京。詩記曰後漢地理志云鎬在京兆尹上林苑中孟

康云長安西南有鎬池古史考云武王遷鎬長安豐亭

鎬池也。張子曰靈臺辟廱文王之學也鎬京辟廱武

王之學也至此始

立為天子之學矣

自西自東

箋曰自西也

自南自北無思不

服皇王烝哉

六章言辟靡之化也武王於鎬京建辟靡之學德化
流行天下之人由四方而來者無不服之思謂皆心
服也武王誠得人君之道也四方之服也久矣此言
辟靡之化深入其心也四方先言西鎬京在西近者
先被其化也繼伐之詩而言辟靡教化者見武城之
後偃武脩文也

考卜維王

箋曰考猶稽也。氏曰有疑必稽焉。

宅是鎬京

箋曰宅居也。

維龜

正之

箋曰謂得其吉兆。疏曰龜出其吉兆以正定之。

武王成之

箋曰武王遂居之成龜兆。

之吉
武王烝哉

七章述遷鎬之事也言稽考之於龜卜者武王也其所卜為欲居此鎬京也以吉凶取正於龜而龜出其吉兆以正定之也龜兆告吉而武王作都以居之是成其吉兆也武王誠得人君之道也繼伐之詩而言遷鎬者見武功既成乃建王國也文王伐崇而遷豐武王伐商而遷鎬即繼伐之功也

豐水有芑

音起。○今日芑嘉穀也。毛以為草。今不從。○芑解見萊芑及生民。○陳氏曰芑以喻人材。

武王豈不仕

今日仕官也
謂官使之也

詒厥孫謀

詒音移孫毛如字
鄭音遜○箋曰詒

猶傳也

以燕翼子

傳曰燕安也○今日翼輔翼之翼表記
舉此章注云安翼其子毛以為敬今不

從○詩記曰孫與子特
互言之皆謂子孫也

武王烝哉

八章述用材也豐水之傍以潤澤生芑穀喻養成人

材也武王豈有不仕之以官者言無不用之無遺材

也武王蓋欲傳其孫之謀而燕安翼輔其子耳曾孫

玄孫以下皆孫也謀及于孫之遠則其子可知矣聖

人為子孫之計莫大於遺之以人材所謂敷求哲人

俾輔于爾後嗣孔子舉此章曰數世之仁也武王誠
得人君之道也繼伐之詩而言以人材遺後人者見
創業垂統之可繼子孫賴之也。或謂武王豈不用
之乎留之以遺後人也如此則遺賢矣聞兼收並蓄
以貽後人未聞棄而不用而以為子孫之計也豈不
仕者猶曰豈不日戒耳

文王有聲八章章五句

詩緝卷二十六

欽定四庫全書

詩緝卷二十七

宋嚴粲撰

生民之什

大雅

生民尊祖也

疏曰周公成王致大平制禮以王功起於后稷故推舉之以配天禮記稱萬物本於

天人本於祖

俱為其本可以相配是故王者皆以祖配天是同祖於天故為尊也

配天祭法云周人禘嘗而郊稷祖文王而宗武王

后稷生於姜嫄

音原○釋文曰姜姓嫄名

有邠氏之女后稷母也邠音台

文武之功起於后稷故推以配天焉

厥初生民時維姜嫄

箋曰時是也姜姓炎帝之後有女名嫄為高辛氏之世妃。疏曰毛

以嫄為譽之子鄭以為帝譽傳十世堯非譽子姜嫄不得為帝譽之妃謂為其後世子孫之妃

生民如

何克禋克祀

禋音因。疏曰外傳云精意以享曰禋

以弗無子

傳曰弗去也去無子

求有子古者必立高禘焉玄鳥至之日以大牢祠于高禘天子親往后妃率九嬪御乃禮天子所御帶以弓韞授以弓矢于高禘之前韞音獨弓衣也。箋曰弗之言祓也二王之後得用天子之禮。疏曰燕來主為產乳故重其始至之日用大牢祭天而以先禘者配之變媒言禘者神之也祓音弗
履踐也武迹也敏疾也。箋曰帝上帝也。疏曰踐迹者謂隨後行耳。今曰履隨也帝武猶言祖武非實有足迹也歆
攸介攸止
疏曰介載震載風
傳曰震動也風早也。疏曰動

謂懷妊而身動也左傳云邑姜方震大叔后緡方震皆謂有身為震也

載生載育

傳曰育長也

時維后稷

首章述姜嫄禱而生后稷也其初生此民者誰與是維姜姓之女名嫄也以民賴后稷播種而生而后稷又生於姜嫄生后稷所以生此民也又問姜嫄之生此民其事如何乎下說姜嫄生后稷之事姜嫄為高辛氏後世子孫之妃能精意以享能備禮以祀祈于高禘之神以祓除其無子之疾天帝本無迹今其來

格若有步武之迹姜嫄奉事周旋若隨天帝之步武
即有所感也履帝武言祭神如神在洋洋乎如在其
左右也敏歆言感動之速大意言上帝降格即有身
耳不必如鄭氏說歆歆然如有人道感已也於是神
介助之依止之則震動而有身則夙早而不遲則生
產之則長育之是為后稷也閼宮言彌月不遲謂滿
十月即生是早也○詩書凡言天帝而假人事言之
者皆形容之辭不必執其迹也監觀四方乃眷西顧

不必天實有眼聞于上帝不必天實有耳帝謂文王
于帝其訓不必天實有言至言祭祀曰神具醉止曰
神嗜飲食曰神保聿歸曰田祖有神若與神親相接
者見神人來格之意耳若稷果生於巨人迹則其事
甚異闕宮之詩當首言之今止言上帝是依而已復
帝武敏歆攸介攸止即上帝是依之謂也古無巨迹
之說特列子異端司馬遷好奇鄭氏信讖緯以帝武
疑似之辭藉口而為是說耳至謂姜嫄無人道而生

子謬於理而妨於教莫此為甚神怪之事聖人所不語若詩言巨迹聖人刪之久矣毛氏不信神怪其說甚正後世猶未盡從者謂其以帝為帝嚳耳帝為帝嚳則稷乃堯之親弟堯有賢弟在位七十載而不能用待舜乃舉之帝嚳聖夫妻姜嫄正妃配合生子人之常道何故但歎其母不美其父此說者所以疑之今依毛以敏為疾而不用其帝為高辛之說依鄭以帝為上帝而不用其敏為妣指之說合三家而去取之

可以折衷矣天地之始固有化生者此可以言鴻荒
之始不可以言稷或又以為麒麟之生異於犬羊蛟
龍之生異於魚鼈神人之生必有異於人辭則美矣

非事實也古今大聖人莫如帝舜文王孔子其生不

聞有異於人也

李氏曰彼以契生于卵稷生于巨迹者乃引經疑似之言以惑世也詩本

無有也歐陽氏云秦漢之間學者喜為異說高辛四妃皆以神異而生子蓋堯有盛德稷契後世皆王天下數百年學者喜為之稱述欲神其事故務為其說洪駒父亦云堯舜與人同耳血氣之類父施母生耳聽目視五官四體是聖智愚不肖之所同也何必有妖詭譎怪之事然後為聖且賢哉稷名曰棄必是見

棄但不知其見棄

之由關之可也

誕彌厥月

誕音但彌音眉。朱氏曰誕發語辭也。傳曰彌終也。箋曰終十月而生。

先生

如達

鄭音達毛如字。朱氏曰先生首生也。說文曰達小羊也。箋曰羊子也。疏曰人之產子先生

者多難薛琮答韋昭云羊初生達小名羔未

不圻不副

成羊曰羖大曰羊羊子以生之易故比之

圻音策副音僻舊字通反。今考曲禮上為天子削爪

者副之本注云析也。音僻反是音僻也。韻伯通反音同

○疏曰圻副皆裂也。楚世家云陸終娶於鬼方氏曰女

潰孕三年不乳乃剖其左脇獲三人焉剖其右脇獲三

人焉剖爪者副

無苗無害

苗音

以赫厥靈

傳曰赫

上帝

之是副為裂也

不寧不康禋祀

箋曰康寧皆安也

居然生子

疏曰居然無病

次章述稷生之易也姜嫄之孕后稷終滿懷任之十月而生之婦人初產則多難此後稷是首生之子乃如羊子之易不圻割不副裂無苗殃無患害是天顯其神靈異於常人也上帝豈不安寧之乎豈不安享其禋祀乎而使之安然無病而生子也

誕寘之隘巷

寘音志隘於懈反巷戶降反○傳曰寘置也

牛羊腓字之

腓音肥○

傳曰腓避也字愛也

誕寘之平林會伐平林

朱氏曰會值也

誕寘之寒水

疏曰姜嫄以元鳥至月而禋祀在母十月而生稷其生正當冰月

鳥覆翼之

傳曰一翼覆之一翼

籍之。○蘇氏曰

覆蓋也。翼籍也。

鳥乃去矣。后稷呱矣。

呱音孤。○蘇氏曰：呱泣聲也。書啟呱。

呱而泣。○朱氏

曰：泣則不死也。

實覃實訐。

覃音譚。訐音吁。○傳曰：覃長也。訐大也。

厥聲載

路。

錢氏曰：載語助也。路謂聞於路也。

三章述稷生而見棄之事，置之於狹隘巷中，牛羊腓避而字愛之，嬰兒未有所知，當為牛羊所踐，今乃避而愛之，牛羊而避人者，理之常也。又棄此，后稷置之平地，林木之中，值有人往伐平林，伐木之人見而收取之，嬰兒之在林野，當為鳥獸所害，乃值人收取之。

亦是常理又棄此後稷置之寒冰之上有大鳥來以一翼覆蓋之一翼翼藉之則為異甚矣人乃往收取鳥飛去矣後稷遂呱呱然而泣其泣聲覃長而訐大在平林而聞於路也舊以實覃實訐厥聲載路在下章朱氏移在此今從之兒生泣聲長大亦為福祥解見斯干

誕實匍匐

匍音蒲匐音白又音服。解見邶谷風

克岐克嶸

岐音其嶸音逆魚極反。

曹氏曰岐嶸言其能立也。○今曰岐嶸承匍匐之下則為能立傳以岐為知以嶸為識今不從以就食

食

朱氏曰口食自能食也益六七歲時也

藝之荻

藝字亦作藝荻音稔○箋曰藝種也荻

大豆也○釋草曰戎菽為之荻○釋曰孫炎云大豆

也樊光李巡郭氏皆云今胡豆管子云北戎山戎出冬

蔥及荻菽布之天往菽旆旆音佩○傳曰旆旆長也長

下今之胡豆是也往菽旆旆如字○朱氏曰旆旆揚起

也○錢氏曰禾役稊稊音遂○傳曰役列也○疏曰種

如旗之旆也禾役稊稊木則有行列○錢氏曰稊與穗

通稊稊禾麻麥蒙蒙莫孔反○傳曰蒙蒙茂瓜𦵏𦵏

多穗也盛也○曹氏曰蒙密也瓜𦵏𦵏

𦵏音迭𦵏布孔反

傳曰𦵏𦵏多實也

四章述稷幼好種殖之事也后稷之生其始實能匍

而手行匍而伏地稍長則岐嶷而能立免乳以就口

食纔始能食其嬉戲之時即有種殖之志種殖大豆其大豆旆旆然揚起禾之行刈稊稊然多稊麻麥則

懔懔然蒙密瓜瓞則嗶嗶然多實異于常人所種也

疏曰周本紀云棄為兒時其遊戲好種殖麻麥麻麥美即此章是也

誕后稷之穡有相之道

相去聲。傳曰相助也。張子曰他人之穡則任其自然惟后

稷之穡則盡人力之助有相之道焉贊化育之一端歟。今曰有輔相之道即第草一端可以類見弟

厥豐草

弟音弗。傳曰弟治也。王氏曰草或曰弟治弟亦謂之弟猶治亂謂之亂。箋曰豐茂也

種之黃茂

種上聲。傳曰種之黃色者唯黍稷耳

實方實苞

傳曰方極畝也。箋曰方

齊等也。○疏曰：毛言地皆方正，有苗，鄭言齊等與傳極畝亦同。但齊等據苗均極畝，據地滿耳。○今曰：禹貢草木漸包，注云：叢生相包一本，作苞，毛以為本，鄭以為茂，其意則一言苗生成叢也。詩中凡言苞並同。實種

實寢

種上聲寢音又。○箋曰：種生不雜也。○傳曰：寢長也。

實發實秀

錢氏曰：發生莖也。○長樂

劉氏曰：秀將實也。○今日：論語秀而不實，朱氏解云：吐華曰秀，是禾生花而將實也。實堅實好。○今

堅成實而堅也。大田既堅，言於既阜之下，阜為實，未堅故堅為成實而堅也。○好解見大田。實穎實

粟

傳曰：穎垂穎也。粟其實粟然。○今日：書異畝同穎，注穎稷也是垂稷也。○箋曰：粟成就也。○疏曰：左傳

云：嘉粟首酒服處云：穀之初熟為粟。○王氏曰：粟不批也。批音七。即有郇家室。○郇音台

曰：郇今京兆武功縣。○傳曰：郇姜嫄之國也。堯見天因郇而生后稷，故國后稷於郇。○疏曰：杜預云：武功縣所

治釐城是也此邵為后稷之母家其國當自有君所以得封后稷者或時君絕滅或遷之他所釐音台與邵同五章述后稷掌稼穡而封邵也后稷稼穡有輔相造化之道教民先治去其豐茂之草然後擇其種之黃色而茂盛者擇種之後始種執之下乃言禾生之次序始而苗中而秀末而實也方者極盡壟畝方正齊等是苗生之始也既方矣則欲其苞而成叢既苞矣則欲其種而不雜既種矣則欲其襄而長以上言禾之苗也既襄矣則欲其發而生莖既發矣則欲其秀

而吐華以上言禾之秀也既秀矣則欲其堅而成實
既堅矣則欲其好而無損壞既好矣則欲其穎而垂
穗既穎矣則欲其粟而成就以上言禾之實也所以
詳言其成熟之次序者見稼穡之艱難非一日所能
致或苗而不秀或秀而不實滅裂耕者報之以滅裂
鹵莽耘者報之以鹵莽今后稷能教之以盡人事故
其穡如此堯於是封之於郃使就郃之家室○大田
言既方既早鄭氏以方為孚甲始生此詩言實方實

苞鄭氏以方為齊等二方字異義何也蓋大田言既
方既早既堅既好皆言穀之成熟故方為孚甲始生
此詩言實方實苞實發實秀發方生莖秀方吐華故
方為齊等言苗生之齊未有孚甲也大田言既種既
戒鄭氏以種為擇其種此詩言實種實襄鄭氏以種
為生不雜二種字異義何也蓋大田言既種既戒在
未耕之前故為擇其種此詩前言種之黃茂已是擇
種繼言實種實襄在方苞之後故為生不雜也

誕降嘉種

朱氏曰降言教民稼穡是降於民也書云稷降播種是也

維秬維秠

秬音巨秠

音匪韻披之上。傳曰秬黑黍也。釋草曰秬一稊二

米。稊音孚穀皮也。李巡曰秬是黑黍之大名黑黍之

中一稊有二米者別名為之秠。疏曰秬秠皆黑黍而

春官粢人注云秬如黑黍一秠二米言如者以黑黍一

米者多秬為正稱二米則秬中之異秬有二等一米亦

可為酒粢人之注必言二米者以宗廟之祭唯裸為重

二米嘉異之物粢酒維糜維芑糜音門芑音起。釋草

宜用之秠即皮也。維糜維芑曰蒙赤苗芑白苗蒙糜

同。郭璞曰糜今之赤梁粟芑恒之秬秠恒音亘本又

今之白梁粟糜芑皆好穀也。恒之秬秠作亘。傳曰

恒徧也。疏曰言種之廣多。今曰恒音衡訓常也久

也無別音唯亘字古鄧反訓通也徧也竟也今毛訓徧

則本作亘是獲是畝箋曰成熟則穫而畝計恒之糜芑

者為是。之。今曰計所獲也。恒之糜芑

是任是負

任音壬。王氏曰任肩任之也。負背負之也。蘇氏曰任擔也。

以歸肇祀

傳曰

肇始也。王氏曰后稷始受國為祭主故曰肇祀。李氏曰只當從王氏以后稷肇祀為祭宗廟末章為配天毛鄭謂后稷得郊祀是誣后稷也。

六章述后稷封邰之後教其國人播種嘉穀將以祭祀宗廟也。秬秠糜芑四者皆嘉穀鬱菴又用黑黍故后稷擇嘉種而降於民以教其耕種其嘉種維黑黍之秬也。維黑黍而一稊二米之秠也。維赤梁粟之糜也。維白梁粟之芑也。乃徧種之以秬秠至熟時則於

是穫刈之於是畝計之徧種之以糜芑至熟時則於是肩任之於是背負之以歸而始祭焉后稷封邠初

祭宗廟也

誕我祀如何

朱氏曰我祀承上章而言后稷之祀也

或春或揄

春傷容反揄音由又

音俞○釋文曰春揄也○傳曰揄抒白也抒殊之上謂取出也○疏曰謂抒米以出白

或簸或蹂

簸波之上蹂音柔○傳曰簸糠也○長樂劉氏曰蹂以稅其穗○疏曰蹂踐其黍然後春之文當在春之上以

揄簸俱是春進今與春相近且退蹂以為韻也

釋之叟叟

音蒐○傳曰釋浙米也浙音昔○疏曰謂

泔米也泔音陶

烝之浮浮

傳曰浮浮氣也

載謀載惟

箋曰惟思也○今曰

惟思之專也。○李氏曰：欲其無所不謹，無所不備也。

取蕭祭脂

曰：蕭，香蒿也。牛尾蒿也。解見蓼蕭。

箋曰：取蕭草與祭牲之脂，蕕之行神之位，蕕如悅反。○疏曰：蕭合黍稷，臭陽達于牆屋，故既奠然後燭蕭合鬯。蕭皆郊特牲文，蕕曉也。言宗廟之祭以香蒿合黍稷，燒之以合其馨香之氣，使神歆饗之。此言祭脂，彼不言脂，彼言黍稷，此不言黍稷，皆文不具耳。燭音蕕。蕕音抵，較音跋。○傳曰：羝，牡羊也。較，道祭也。○疏曰：道祭謂祭道神。秋官大人云：凡祭祀供犬牲，伏瘞亦如之。鄭司農云：伏謂伏犬以王車轅之，此用羝亦伏體較上。○曹氏曰：內言燭蕭外言釋較，則羣祀皆舉矣。載燔載烈。燔音煩。燔，解見楚茨。○傳曰：貫之加于火曰烈。○箋曰：燔烈其肉。○疏曰：烈是火猛之意，不可近燒，故云貫之加於火上，即今之炙肉也。燔是近火燒之炙，是遠火炙之。○今曰：如疏之言是烈亦炙也。

以興嗣歲

今日嗣歲者繼今歲謂來年也

七章乃述后稷祭祀之事也我后稷之祭祀其禮如何先以所得秬秠糜芑之粟或使人舂之或使人揄出之或使人簸揚其糠或使人蹂踐其禾取穀以繼之言各有司存並皆敏疾也既蹂舂得米乃浸之於盆而泔之其聲叟叟然又盛之以甑而烝之其氣浮浮然以為酒醴及簋簠之實也及戒祭祀之事則又謀度之則又思惟之無所不至其謹也於是或取蕭

之香草與祭牲之脂膏而焚燒之為宗廟之祭諸侯
之祭莫大於宗廟也又或取牡羊以為犯較之祭較
道祭也祭七祀之行神也諸侯有朝聘之事則較祭
上自宗廟下至較祭羣祀該舉之矣或取肉傳火而
燔之或取肉貫之加火而烈之纖悉無不盡矣凡此
者皆欲以興起來歲之事謂禱其又豐也不曰來歲
而曰嗣祭欲其豐年相續也○夏官大馭掌馭玉路
以祀及犯較注云行山曰較封土為山象以菩芻棘

柏為神主

菩音負又音倍芻音初

既祭以車轆之而去

轆音歷

喻

無險難也。邾泉水疏引春秋傳云跋涉山川然則較

山行道之名也。○鄭氏於楚茨或燔或炙以炙為炙

肝此詩烈亦炙也乃云燔烈其肉蓋鄭意以楚茨言

宗廟之祭特牲以肝配燔故炙為炙肝此詩為后稷

將郊而先較祭以上皆言較祭之事故烈為烈其肉

今以此詩言燔烈為總說宗廟及較祭非專指較也

印盛于豆

印賦音昂成。朱氏曰此章言尊祖配天之祭。傳曰印我也本曰豆薦豆醢也。○疏曰

釋器云木豆謂之豆醢人掌四豆之實皆有菹醢

于豆于登

傳曰瓦曰登大羹也。箋曰祀天用

瓦豆陶器質也。疏曰釋器云瓦豆謂之登公食大夫禮云大羹清不和實於登大古之耕不調以鹽菜清肉汁也清音泣。今日登升之登無ノ豆登之登有ノ其香始升上帝居歆

箋曰居安也歆

饗也胡臭亶時

箋曰胡何也亶誠也。朱氏曰臭香也。李氏曰言祭得其時也士冠禮云嘉薦亶

時。時有考見魚麗

后稷肇祀庶無罪悔以迄于今

迄欣之入。傳曰迄至也

。李氏曰使我子孫無有罪悔至于今而有天下也

末章言尊后稷以配天也我今以菹醢盛之于木豆

又以大羹盛之于瓦登器用陶匏大羹不和禮至簡

也其馨香之氣始升于上而上帝以安饗之何香臭之誠得其時乎言天之所饗不在物也蓋天生后稷以養民后稷能教民稼穡以相天故以功封邰而祀宗廟為周家祭祀之始天心眷之久矣自后稷肇祀以來子孫世脩其業不敢失墜以獲罪于天遂至今日得以成王業而郊天天之歆饗蓋在此耳周之郊也因稷而致所謂文武之功起於后稷尊后稷以配天不亦宜乎○我將文王配帝之詩生民后稷配天

之詩也我將言牛羊不足以必天之右惟儀式刑文王之典庶天心右饗之此詩言豆登何足以致帝之歆惟世脩后稷之業乃有今日其意皆相類

生民八章四章章十句四章章八句

行葦

音偉

忠厚也周家忠厚仁及草木故能內睦九族

九族

解見王

葛藟

外尊事黃耆

音苟。黃耆解見南山有臺

養老乞言以成其

福祿焉

詩記曰自周家忠厚以下論成周盛德至治則得之然非此詩之義也意者講師見序有忠厚

之語而附

益之歟

敦彼行葦

敦音團。傳曰敦聚貌行道也。○曰大者葭蘆葦一名華一物而四名解見七月。○疏曰

葦初生為葭此禁牛羊勿踐則見春夏時事而言葦者此愛其為人用之所用在於成葦故以成形名之

牛羊勿踐履

朱氏曰勿禁止之辭

方苞方體

苞解見生民。○張子曰草叢生以喻兄弟

○箋曰體成形也。○曹氏曰餘也。○錢氏曰成莖也。維葉泥泥

上聲。○傳曰葉初生泥泥。○今曰蒙

蕭零露泥泥為霑濡貌則此言泥泥是潤澤之意益泥泥是濕也

戚戚兄弟

傳曰戚戚內相親也

○詩記曰唯體之深者為能識之

莫遠具爾

朱氏曰莫猶勿也。○箋曰具猶俱也。○蘇氏曰爾近

也。○今曰地官肆長云實相近者相適也注爾亦近也

首章發兄弟之愛也興也言敦敦然聚者是彼道傍

之蘆葦勿令牛羊踐履之此葦方苞而成叢方體而
成莖其葉初生泥泥然潤澤而可愛忍傷之乎葦之
叢生如兄弟之聚也戚戚然親愛之兄弟切莫疎遠
宜俱相親近也○此詩以行葦興兄弟維葉泥泥戚
戚兄弟之辭體察精微懇款親切惻然惟恐傷之千
載之下猶能使人興起也

詩記曰此詩毛氏七章二
章章六句五章章四句鄭

氏析為八章以文義考之當從毛氏一章以行葦興
兄弟宜作六句二章言陳設宜作四句三章言燕樂
宜作六句後四章則不可增損毛鄭所同也戚戚兄
弟莫遠具爾忠厚之意藹然見於言語之外矣下章

之燕樂皆所以樂乎此也

或肆之筵

音延。傳曰肆陳也。

或授之几

箋曰兄弟之年稚者為設筵而已老者加之以

几。曹氏曰几尊

肆筵設席

傳曰設席重席也。疏曰既言肆筵上又設席故知

者憑之以為安

重席也不過下莞上簟而已春官司几筵注云筵亦席

也鋪陳曰筵藉之曰席然則在下為鋪陳在上人所蹈

席故在下者稱

授几有緝御

箋曰緝猶續也御侍也相續代而侍者。疏曰几御

者皆侍其測。長樂劉氏曰不暫闕其侍

從也。李氏曰緝御即所謂更僕是也

次章述陳設也或陳之以筵謂行燕禮也或授之以

几優老也兄弟之年稚者鋪筵而已老者則鋪筵而

又設席於筵之上加重席也老者既授以几又有相

續代而侍者

或獻或酢

音昨。箋曰進酒於客曰獻客答之曰酢。

洗爵奠筯

音蝦。傳曰筯爵也。夏曰

醖。醖曰筯。周曰爵。醖音盞。箋曰主人又洗爵酬客。客受而奠之不舉也。疏曰王與族人燕以異姓為賓宰夫為主人所洗所奠猶一物也。而云洗爵奠筯似是異器故辨之。云筯爵也。爵酒器之大名。故儀禮飲解者亦云。卒爵是爵為總稱。作者因洗奠之別更變其文耳。夏曰醖以下皆明堂位文引之者。明筯非周器為之筯者彼注為畫禾醖醖以薦。醖他感反。噴音同。醖音海。箋稼也。醖音志。曰薦之禮非菹則醖醖。疏曰李巡云以肉作醬曰醖。天官醢人注云醖肉汁也。用肉為醖特有多汁故以醖為名。其無汁者自以所用之內

魚鴈之屬

或燭或炙

燭音煩炙音隻。箋曰燭用肉炙用肝。解見楚茨。

嘉殽脾

臠

脾音皮臠渠略反。傳曰臠臠也。箋曰以脾兔為加故謂之嘉。疏曰燭炙是正饌以脾兔為加助服

度云口上曰臠口下曰臠。說

或歌或嘏

音鄂。傳曰歌者比於琴

文曰詠舌也又曰口裏肉也

瑟也徒擊鼓曰嘏比音備。疏曰經傳諸

言歌者皆以絃和之孫炎云嘏聲驚嘏也

三章述燕樂也燕兄弟之時或主人進酒而獻之於

賓賓既卒爵酌而酢主人主人卒飲又洗爵以酌賓

賓受而奠此筭不復舉之筭即爵也有肉醬多汁之

醢醢以薦進之又或入火以燂其肉或近火以炙其

肝以為羞其正饌之外所加善殽則有脾與臠又作樂助歡或歌而比於琴瑟或罍而徒擊鼓親親之厚

也

李氏曰言侍御獻酬飲食歌樂之盛也

○今考燕禮諸侯燕其臣以

膳宰為主人主人獻賓賓卒爵賓洗爵酢主人主人卒爵主人獻公公卒爵公酌酢主人主人卒爵於是主人酌以酬賓賓遂奠而不舉也

敦弓既堅

敦音彫。傳曰敦弓畫弓也。天子敦弓。○疏曰敦與彫古今字之異。彫是畫飾之義。弓人

為弓唯言用漆不言畫則漆上又畫之其諸侯公卿宜與射者自當各有其弓不必畫矣。○李氏曰荀子曰天

子彫弓諸侯彫弓大夫黑弓何休公羊注亦云天子彫弓諸侯彫弓大夫嬰弓士盧弓此言敦弓即所謂天子

彫弓也。朱氏曰堅猶勁也。四鏃既鈞。鏃音候又音侯。釋文曰鏃

曰堅猶勁也。四鏃既鈞。矢名。傳曰鏃矢三亭。疏

曰三亭謂三分矢一在前二在後輕重鈞停四矢皆然

故言四鏃既鈞冬官矢人為鏃矢三分一在前二在後

注云三訂之而平者前有鐵重也方言云闕西曰

箭江淮謂之鏃則鏃者鐵鏃之矢名也鐵音鐵

既均。舍音捨。傳曰已均中莛。箋曰舍釋也。序賓以

既均。莛質也。疏曰舍放矢也四矢皆中也。

賢。丘氏曰射以中多者為賢。朱氏曰投壺云某

賢於某若干純奇則曰奇均則曰左右均是也。

四章五章述燕射也既燕族人而射以為樂其天子

親所射彫畫之弓既堅勁矣其四矢既輕重鈞停矣

放舍此矢既均而皆中矣次序衆賓以射中多者為賢也諸臣不必畫弓以天子之燕射故舉天子之弓

言之耳○鄭以為將養老擇士大射王肅以為燕射

詩記從王

詩記曰以詩之所敘考之儀禮王肅之說是也然學者讀此詩當深挹順弟和樂之

風以自陶冶若一一拘牽禮文則其味薄矣

敦弓既句

溝之去○疏曰穀與句字異音義同引滿也

既挾四猴

挾音決又音協○箋

曰射禮搢三挾一今言已挾四猴則已徧釋之○疏曰搢搢也挾謂手挾之射用四矢故搢三於帶間挾一以扣弦而射也謂卿大夫若其君則使人屬矢不親挾也○今曰儀禮鄉射大射皆云搢三挾一个又云挾束矢

注云方持弦矢曰挾弦縱而矢橫為方凡挾矢於二指之間橫之謂左手執弓把見矢鏃於把外右手大指鈎弦二指挾持其矢故弦縱而矢橫弦與矢作十字故方也凡兩物夾一物曰挾此矢在弦之外二指之內故曰挾

四鏃如樹

丘氏曰如以手植之。曹氏曰言其巧且力也。

序實以不侮

朱氏曰不

侮不以中病不中者也射以中多為鵠以不侮為德

敦弓既引滿四鏃皆已挾則徧釋之矣四鏃皆中如以手植之然其序以不侮為貴尚德也不以中多陵人也

曾孫維主

傳曰曾孫成王也

酒醴維醕

音乳。傳曰醕厚也。疏曰謂酒之醇者酌

以大斗

傳曰大斗長三尺也。疏曰大斗長三尺謂其柄也。漢禮器制度注曰五升徑六寸長三尺是

也。此蓋從大器挹之以樽用此勺耳。其在樽中不當用如此之長勺也。

以祈黃耆

疏曰祈求也。

黃耆解見

南山有臺

六章述既射而復終燕因以乞言也為之主者成王也其酒醴皆醇厚矣遂以長柄大斗從大器中酌之於樽以為醴而求於黃耆之人謂乞言也二章言授几緝御之事則兄弟之中有老者存焉古者燕飲於旅也語必因以求誨言於老成人凡一話一言皆足

以為熏陶漸染之益不徒為燕樂也

黃耆台背

台音胎徐又音臺。傳曰台背大老也。箋曰台之言鮐也大老則背有鮐文鮐音臺。

疏曰郭璞云老人氣衰皮膚消瘠背若鮐魚也。劉熙釋名云九十曰鮐背。以引以翼壽考維

祺

音其。傳曰祺吉也。

以介景福

箋曰介助也景大也。

七章終上章乞言之意也成王乞言於黃耆台背之

大老此大老告成王以善道引而導之翼而輔之以

成其德故自天祐之成王得壽考吉祥助其大福也

行葦七章二章章六句五章章四句

鄭氏作八章章四句

今從
毛氏

既醉大平也

大音泰後大平皆倣此

醉酒飽德人有士君子之行

焉

行去聲

此詩成王祭畢而燕羣臣也大平無事而後君臣可
以燕飲相樂故曰大平也講師言醉酒飽德止是首
章二語又言士君子之行非詩意矣

既醉以酒既飽以德

朱氏曰德王之德也。陳氏曰燕接之間思澤充足故言既飽以德

君子萬年

箋曰君子斥成王也

介爾景福

成王與羣臣祭畢而燕於寢羣臣美之言成王既醉
我以酒矣燕接之間恩澤充足既飽我以德矣無以
報上願其享萬年之壽而天助爾大福也

既醉以酒爾殽既將

箋曰殽俎實也。疏曰歸俎者以牲體實之於俎也。楚茨篇為俎孔

頌或燔或炙。○詩記曰國語晉獻公令司正實爵與史蘇云賞女以爵罰女以無釁。○傳曰將行也。○朱氏曰亦奉持而進之意。

君子萬年介爾昭明

丘氏曰謂發其智慮也

羣臣又欲天助成王以昭明之德

昭明有融

朱氏曰融明之盛也。春秋傳云明而未融

高朗令終

朗即之上。○傳曰朗明也

○朱氏曰虛明也令終善終也

令終有俶

音觸。傳曰俶始也。

公尸嘉告

協韻音谷。傳

曰公尸天子以卿。○疏曰白虎通引魯子云王者宗廟以卿為尸不以公為尸避嫌三公尊近天子親稽首拜尸故不以公為尸白虎通又云周公祭太山用召公為尸蓋天地山川得用公也。○詩記曰周之追王止於大王則宗廟之祭尸之尊者乃公尸也。○箋曰嘉告以善言告之為報辭也。

羣臣祝成王昭明而又極於融融者一理混融徹上徹下無復疑滯明之盛也靡不有初鮮克有終始明終昏者多矣故又祝其高明而善終也過而後改迷而後復不若有始有卒之盡善故祝其善終而又欲

其有始如太甲有終而無始不得為全善矣成王以
幼冲嗣服欲善其終當謹其始乃始終如一也令終
有俶猶仲虺言慎厥終惟其始伊尹言慎終如始也
能如是則神降之福公尸以善言來告矣○舊說以
令終為考終命此非臣子祝君之辭也一章二章方
祝君以萬年不應三章遽祝以考終命其言不倫由
鄭氏鑿說以景福為五福孔氏遂牽合謂令終為考
終命然鄭箋令終云以善名終則鄭意亦不然孔求

之過耳

其告維何邊豆靜嘉

箋曰靜嘉潔清而美也。○長樂劉氏曰靜言其滌濯且敬也嘉言其

新美而時也。○陳氏曰傳所謂馨香無譴惡之意也

朋友攸攝

朱氏曰朋友指助祭者。○疏曰攝者

收斂之意。○

攝以威儀

疏曰祭義所謂濟濟漆漆是也漆音切

公尸所告者其言何如乎言汝邊豆所盛之物潔靜

而嘉美汝之朋友助祭者能相檢攝而佐助之其檢

攝以威儀莫有惰容也設為嘏辭以見主祭與助祭

者皆當神意也

黃氏曰祭不在物而在誠誠之所可見者寓於威儀之間

威儀孔時

箋曰孔甚也時宜也

君子有孝子

箋曰有孝子之行

孝子不匱

傳曰匱竭也

○今日祭義云孝有三小孝用力中孝用勞大孝不匱博施備物可謂不匱矣

永錫爾

類

箋曰長以與女之族類謂廣之以教道天下也春秋傳云類考叔純孝也施及莊公施音異

上章設為嘏辭此章以下則承嘏辭之意而衍之言

威儀甚得其宜者此由成王有孝子之行也祭義說

祭祀奉承薦進之容貌蓋以孝子言之蓋因其容貌

之形見以知其孝敬之深厚即此詩之意也孝子之

行無有匱竭能化天下皆為孝是永錫爾類也聖人

之於民類也同此類則同此心孝者人心之同然以
心感心放之四海而準是錫類也洪範錫福之意亦
如此祭祀稱孝子其來尚矣

其類維何室家之壺

音閭。傳曰壺廣也。○釋宮曰宮中巷謂之壺。○今曰宮中巷者由

內出外之路喻行於家而達於外也故毛以為推廣之義

君子萬年永錫祚胤

祚音助胤

羊刃反。○箋曰祚福祚也。○傳曰胤嗣也。○朱氏曰子孫也

其錫類如何乎王者之化由室家而推之天下如宮
中之巷由內而行出於外也成王能如此宜其享萬

年之壽而天又錫之以福祚及繼嗣之子孫也

其胤維何天被爾祿

被音避。箋曰被覆被也

君子萬年景命有僕

李氏曰僕屬而不絕。今日孟子僕僕亟拜言拜之頓頓亦不絕之意

其天錫以繼嗣者如何乎乃天覆被女以福祿使有

萬年之壽而大命僕屬不絕也此章問以繼嗣而言

福祚者言天錫以繼嗣故福祚不絕也

其僕維何釐爾女士

釐音禹。傳曰釐予也。箋曰女士女而士有行者

釐爾女

士從以孫子

箋曰從隨也

其大命之僕屬如何乎乃天錫以女而有士行者以
為妃又使生賢智之子孫以隨之此章問以福祚而
言繼嗣者言天錫以福祚故繼嗣繁昌也與上章互
言之耳

既醉八章章四句

鳧鷖

音符伊

守成也

疏曰物極則反或將喪之成之既難守亦不易故美其能守之也

太

平之君子

箋曰君子斥成王也

能持盈守成神祇祖考安樂之也

祇音其樂音洛○既曰神者天神祇者地神祖考則人神也

祭天神地祇祖考皆有尸五章皆言公尸又四章言

既燕于宗毛以為皆言祭宗廟其說是也

疏曰毛以為皆祭宗

廟則是祖考耳而兼言神祇者以推心事神其致一也能事宗廟則亦能事天地因祖考而廣言神祇明其皆安

樂之也

鳧鷖在涇

曹氏曰鳧野鷖也鷖音木。釋鳥曰鷖沉鳧鷖音施又音彌。郭璞曰鳧似鴨而小長尾

背上。有文。今江東亦呼為鷖。陸璣曰大小如鴨青色卑脚短喙水鳥之謹愿者也。疏曰蒼頡解詁云鷖鷖

也。涇解見邠谷風

公尸來燕來寧

公尸解見既醉。箋曰祭祀既畢明日又設禮而與尸燕

○疏曰言公尸來燕則是祭後燕尸非祭時也燕尸之禮大夫謂之賓尸即用其祭之日今有司徹是其事也

天子諸侯則謂之繹以祭之明日春秋宣八年言辛巳有事于太廟壬午猶繹是謂在明日也此公尸來燕是

釋祭之事

爾酒既清

箋曰爾成王也

爾殽既馨

傳曰馨香之達聞也

公尸燕飲

福祿來成

興也祭之明日行燕尸之禮鎬京近涇水指土地所見言之野鳧與鷺鷥皆水鳥也水鳥在水中得其所喻公尸來燕而安寧也成王酒清殽馨以與公尸燕飲故神以福祿來成汝矣○渭水東流先會豐而後會涇豐水自南而入渭涇水自西北而入渭文王居

豐在豐水之西則越豐而後至涇武王居鎬在豐水之東則去涇近矣張衡西京賦云飲灃吐鎬據渭踞

涇見涇水近鎬也

欲呼合反

鳧鷖在沙

傳曰沙水旁也○疏曰需卦需于沙注云沙接水者

公尸來燕來宜

今曰

來而宜之謂樂之也

爾酒既多爾殽既嘉公尸燕飲福祿來為

去聲

○箋曰為

猶助也

鳧鷖在渚

音煮○解見江有汜

公尸來燕來處

音杵○傳曰處止也

爾酒既

涥

涥之上○毛伐木傳曰涥舊之也舊與縮音義同謂以茅涕之而去其糟也涕亦作濟上聲也

爾殽

伊脯

疏曰乾脯也

公尸燕飲福祿來下

鳧鷖在淥

音崇。傳曰淥水會也。說文曰小水入大水也。

公尸來燕來宗

傳曰

宗尊也。李氏曰來居尊位也。

既燕于宗

疏曰燕於宗廟

福祿攸降

戶江反

公尸

燕飲福祿來崇

呂氏曰崇積而高大也

鳧鷖在壺

音門。傳曰壺山絕水也。曰壺謂山當水路令水勢斷絕也。西漢地理志金城郡有浩

壺縣注云浩水名也。壺者水流峽山間兩岸深若門也。浩音告。

公尸來止熏熏

傳曰熏熏和悅

也旨酒欣欣

傳曰欣欣樂也

燔炙芬芬

傳曰芬芬香也

公尸燕飲無有

後艱

今日後艱猶後患也

鳧鷖五章章六句

假樂

音暇洛

嘉成王也

疏曰正詩例不言美以見為經之正因訓假為嘉故轉經以見義

假樂君子

傳曰假嘉也○今曰左傳中庸皆作嘉樂則假訓為嘉也

顯顯令德宜民

宜人

陳氏曰民在下之民也人在位之人也○疏曰能安民能官人其文與此相類

受祿于天

言可嘉樂者此成王也有顯顯之善德宜其在下之

民謂萬姓以和也宜其在位之人謂百官以和也人

民皆宜是可嘉樂以此能受福祿於天也

保右命之自天申之

傳曰申重也重去聲

千祿百福

箋曰千求也

子孫

千億

箋曰十萬曰億
○解見楚茨

既保安之又右助之又從而命之是自天申命用休
也成王有千祿之道而得百福千祿言自求多福謂
在我有以致之非天私於成王也宜成王子孫之繁
至于千億傳之無窮也

穆穆皇皇

釋訓曰穆穆敬也
釋詁曰皇皇美也

宜君宜王

傳曰宜君
王天下也不

愆不忘

箋曰愆
過也

率由舊章

箋曰率循也由用也○長
樂劉氏曰舊章先王之禮

樂政
刑也

成王之德穆穆然敬皇皇然美宜其為君宜其為王也又不愆過不遺忘以循用先王之舊法。鄭氏以穆穆皇皇宜君宜王為子孫以不愆不忘率由舊章復為成王文意斷續此由分章之誤也穆穆皇皇與抑抑秩秩一體率由舊章與率由羣匹相對皆言成王也宜君宜王即所謂宜民宜人也

威儀抑抑

賓之初筵傳曰抑抑慎密也

德音秩秩

傳曰秩秩有常也錢氏曰有序也

無怨無惡

烏露反各如字

率由羣匹

今日羣耦謂衆同德之臣也

成王之威儀抑抑然謹密其德音言語秩秩然有常
言行皆盛德之所著見故能無所咎怨無所憎惡推
誠樂與惟循用羣臣之賢匹耦於己者言志同道合
也此章與上章一體不愆不忘為率由舊章言之也
無怨無惡為率由羣匹言之也○音聲也德音有德
之聲音也言語教令聲名皆可稱德音此詩德音秩
秩可以為言語教令不可以為聲名皇矣猶其德音
可以為教令聲名不可以為言語南山有臺德音不

己德音是茂及有女同車德音不忘車聲德音來括
皆聲名也小戎秩秩德音鹿鳴德音孔昭日月德音
無良邶谷風德音莫違皆言語也

受福無疆四方之綱之綱之紀燕及朋友

傳曰朋友羣臣也○朱氏曰燕

安也言人君能綱紀四方而臣下賴之以安○詩記曰泰誓云友邦冢君酒誥云太史友內史友則朋友者合百辟卿士言之也○今日朋友即下文百辟卿士燕及朋友猶燕及皇天

成王受福無窮故於天下之治惟總其大綱大綱舉而小紀自隨則太平極治可傳於永久此無窮之福

也羣臣與國同休是安及羣臣也

百辟卿士

董氏曰百辟諸侯也卿士羣臣也

媚于天子

箋曰媚愛也

不解于

位

解音懈○今曰解息也

民之攸暨

音餗○傳曰暨息也

外而百辟

內而卿士皆媚愛于成王而不解怠於其

職

位北民之所由以休息也

假樂六章章四句

舊四章章六句今從陳氏

詩緝卷二十七